

**Uunga siunnersuut: Avatangiisit innarlitsaaliorneqarnissaannik Inatsisartut inatsisaata  
allanngortinneqarnera pillugu Inatsisartut inatsisaat**  
(Nunalerinermut, Imminut Pilersornermut, Nukissiutinut Avatangiisinullu Naalakkersuisoq)

pillugu

**Eqqissimatitsinermut Avatangiisinullu Ataatsimiitaliap**

**Siunnersuutip aappassaanneerneqarneranut**

**ISUMALIUTISSISSIONAA**

Ataatsimiitaliaq suliaqarnermi makkuninnga inuttaqarpoq:

Inatsisartunut ilaasortaq Mariane Paviaisen, Inuit Ataqatigiit, siulittaasoq  
Inatsisartunut ilaasortaq Mala Høy Kúko, Siumut, siulittaasup tullia  
Inatsisartunut ilaasortaq Pipaluk Lynge-Rasmussen, Inuit Ataqatigiit  
Inatsisartunut ilaasortaq Emanuel Nuko, Naleraq  
Inatsisartunut ilaasortaq Lars Poulsen, Siumut

UKA2021-imi ulloq 6. oktober 2021-mi siullermeerinerup kingorna siunnersuut ataaatsimiitaliap misissorpaa.

**1. Siunnersuutip imarisaa siunertaalu**

Avatangiisit pillugit inatsit maanna atuuttup naleqqussarneqarnissaa siunnersummi siunertaavoq. Imaani avatangiisit illorsorneqarnissaat pillugu inatsimmi oqaatsinik atuinertigut aamma aatsitassanut inatsimmut killissalersuinikkut naleqqussaassoqassaaq, soorlu aamma Naalakkersuisunut piginnaatitsissutinik ilangussaqarnerni naleqqussaaneq pissasoq. Taakku saniatigut eqqakkanik eqqussuinernut annissuinernullu aalajangersaasoqassaaq soorlu aamma umiarsuit kivisimasut pillugit aalajangersimasut unioqqutinneqarneranni akiliisitsinissamik aalajangersaanikkut periarfissangortinneqassasoq. Naggasiutigalugu atuutsilerneqassaaq "aalajangersakkanik katersuuffik" ilaatigut siunissami malittarisassanik aalajangersaanissamik, sulianik inatsimmi ullumikkut inatsisini allanik ilaannngitsut tunngatillugu naalakkiuteqarnissamut imaluunniit inerteqquteqarnissamut Naalakkersuisut piginnaatinneqalersinnaaqquillugit.

**2. Inatsisartuni siunnersuutip siullermeererneqarnera**

Siunnersuutigineqartoq Inatsisartunut ilaasortanit tapersorsorneqarluarpoq.

### **3. Tusarniaanermi akissutit**

Inatsisartut siulittaasoqarfiata maleruagassai naapertorlugit tusarniaanermut akissutaasut inatsisisatut siunnersuummut kakkiupput. Tusarniaaneq sapaatip akunnerini sisamani 8. oktoberimii 5. november 2020-p tungaanut ingerlanneqarpoq.

### **4. Siunnersummik ataatsimiititaliap suliarinninna**

Naalakkersuisut siunnersuutigineqartumi pingarnertut avatangiisit pinaveersaatitsinikkut akiuniarnikkullu innarlitsaaliorneqarnissaat ujartoraat ataatsimiititaliap maluginiarpaa. Inatsisartut Naalakkersuisullu pinngortitap avatangiisillu illorsorlugit suliaqartuarnissaat ataatsimiititaliap pingarnerut isumaqarfigaat. Tullinguuttumi Naalakkersuisunik piginnaatitsinissap suliarinissa pingarnertut pissutissaqarluni ataatsimiititaliaq isumaqarpoq.

#### **4.1. Aalajangersakkatut katersuiffiusut, § 40 a**

§40 a aqqutigalugu "aalajangersakkatut katersuuffiusutut" pilersitsisoqarnissaat ataatsimiititaliap siunnersummik suliaqarnermini maluginiarpaa, tassunga Naalakkersuisut nukissiuutit, akuutissat atortussalluunniit sulianit pisut, Inatsisartut inatsisaanni aalajangersakkanut allanut ilaanngitsut atorlugit mingutsitsinissap pinaveersaartinnissaanut akornusernissaanullu maleruagassanik aalajangersaasinnaapput, peqqussuteqarsinnaapput imaluunniit inerteqquteqarsinnaapput, kiisalu piumasaqaateqarsinnaallutik, suliat taakku inatsimmut allamut ilaanngippata. Inatsisisatut siunnersuutip nassuaataani allassimavoq nunani tamalaani isumaqatigiissutaasunik isumaqatigiissutaasullu pioreersut allannguutanut atuutsitsilernissaq pingarnerutillugu aalajangersaasoqartoq. Nalunaarut aqqutigalugu aalajangersagaq atorneqarsinnaavoq qaamanermik, nipimik imaluunniit imermik nillusaammik atuinernut mingutsinsinernut maleruagassiornikkut.

§40 a aqqutigalugu aalajangersaanikkut inatsisaasup atuuffeqarnera malunnaatilimmik annertusineqarpoq, naak tamanna inatsissatut siunnersuutip nassuaatitaani nalunaaritigineqanngikkaluartoq. Taamatuttaaq sulianut atuutsinnejartussanik naliliussamik killiliisoqarnissaanik isummertoqanngilaq. Tamanna tunngavigalugu ataatsimiititaliap Nunalerinermut, Imminut Pilersornermut, Nukissiutinut Avatangiisinullu Naalakkersuisoq qinnuigissavaa qaamanermik, nipimik imaluunniit imermik nillusaammik atuinikkut mingutsisoqarnerani qaqugukkut §40 a-mi aalajangersagaq naapertorlugu atusoqassanersoq. §40 a-mut tunngatillugu piffissaliussamik naammaginartumik §59 a-mi aalajangersakkamut assingusimik ilanggussisoqarnissaanik siunertamut tulluuttuunersoq Naalakkersuisoq ataatsimiititaliamit nalileeqqullugu qinnuigineqarpoq.

Arlaatigut pisoqarnerani innuttaasup suliffeqarfiulluunniit taarsiivigineqarnissaminut pisinnaatitaaffeqarneranik tassani aalajangersakkami isummertoqarsimannnginnaataatsimiititaliap maluginiarpaa. Inatsisisatut siunnersuutip § 40 a pillugu nassuaammi

siammasilluinnartumik allassimasoqartoq ataatsimiititaliap maluginiarpaa:

”§ 40 a-p atorneqarnissaal aalajangiunneqarpat, tamanna suliamut mingutsitsiviusumut pineqartumut annertuunik kinguneqartussaavoq, tamatumani aalajangersakkap qanoq iliorluni atorneqarnera apeqqutaassalluni.”

Inatsissatut siunnersuutip nassuaataani immikkut aalajangersakkap kingunerisinnaasaanik eqqarsaatersuuteqartoqanngilaq, taamaallaat allaqqasoqarluni iliuutsimi mingutsitsiviusumut malunnaateqarluartumik kinguneqarsinnaasoq. Tamassuma malitsigisaanik innuttaasumut suliffeqarfimmulluunniit malunnaateqarluartumik kinguneqartitsisoqarsinnaanera inernilerneqartariaqarpoq. Tamanna tunngavigalugu siunnersuutip appassaaneerneqarnissaanut pineqartut pillugit, pisortanit taarsiinissamut aamma pinngitsaaliilluni taarsiissutitalimmik pigisanik piginnikkunnaarsitsinermi pisortat pisussaaffiinik aningaasartuutigeratarsinnaanermullu pingaartitsilluni eqqarsaatersuutit itisilerneqarnissaanik Imminut Pilersornermut, Nukissiutinut Avatangiisinullu Naalakkersuisoq ataatsimiititaliamit nalileeqqullugu qinnuagineqarpoq.

#### **4.2. Taarseeqqusineq, § 59 a**

Inatsisisatut siunnersuutip § 59 a pillugu nassuaataani inatsit naapertorlugu tunniunneqarsimasunik pisinnaatitsinernik utertitsinerni allannguinernilu, akuersissutinik immikkullu akuerineqarsimanerni innuttaasut suliffeqarfiillu taarsiiffiqeqarsinnaanermik piumasaqaateqarsinnaanerat killilimmik Naalakkersuisut suliaqarput. Ataani ima allassimasoqarpoq:

”Kisianni allanngortitsinissamut utertitsinissamulluunniit naleqquttumik piffissamut killiliussassamik aalajangersaanermi, taarsiissuteqarluni akiliisoqassanngitsoq tunngavigineqarajussaaq, allanngortitsinerlu utertitsinissarluunniit pineqartumi pissutsini tunngavilersorneqarsinnaalluni, taamaalilluni utertitsineq inuiaqatigiit eqqarsaatigalugit pisariaqartutut isigineqartariaqarluni, taamaattumillu taarsiinissamik malitseqassanani.”

Nassuaammi allassimasoqanngilaq ’naammaginartumik piffissaliineq’ Naalakkersuisunit qanoq isumaqarfingeqarnersoq. Avatangiisinik innarlitsaaluiinerup maanna siunissamilu inuiaqatigiinni qitiulluinnartumik inissisimanera innuttaasulli suliniutillu aamma inissaqartinneqartariaqarnerat ataatsimiititaliaq isumaqarpoq. Tamanna tunngavigalugu Imminut Pilersornermut, Nukissiutinut Avatangiisinullu Naalakkersuisup qaqugukkut piffissaliineq naammaginartutut isigineqarnissaa pillugu itisiliilluni nassuiassateqassasoq aamma nassuaaneq siusinnerusukkut inatsit naapertorlugu tunniunneqarsimasunik pisinnaatitsinernik utertitsinerni allannguinernilu, akuersissutinik immikkullu akuerineqarsimanerni misilittagaasunik pitsaassusiliilluni ataatsimiititaliamit qinnuagineqarpoq.

Nunalerinermut, Imminut Pilersornermut, Nukissiutinut Avatangiisinullu Naalakkersuisup appassaaneerinninnermi sammisaqarnissaa ataatsimiititaliap qilanaaraa.

#### **4.3. Oqaatsit atorneqartut pillugit eqqarsaatersuutit**

Inatsisisatut siunnersuutip §1 imm. 9-mi danskisuani "pisinnaavoq" atorneqarmat kalaallisuuani "pisussaavoq" atorneqartoq ataatsimiititaliap maluginiarpa. Ataatsimiititaliap paasinninnera naapertorlugu alajangersakkani atuuttuni oqaatsini marlunni "pisinnaavoq" isumagineqartoq. Nunalerinermut, Imminut Pilersornermut, Nukissiutinut Avatangiisinullu Naalakkersuisup appassaaneerinninnermi sukumiinerusumik nassuaateqassasoq inatsimmillu naqqiissuteqarnissamik qulakeerinissasoq ataatsimiititaliap naatsorsuutigaa.

#### **5. Siunnersuutip aningaasatigut kingunerisassai**

Siunnersuutip piviusunngortinneqarnissaanut aningaasatigut kingunerisassai siunnersuummi nalinginnaasumik oqaaseqaatini allaaserineqarput. Tassani allassimavoq pisortanut aningaasartuuteqarnissamut kinguneqassanngitsoq, suliffeqarfait akiliinissamik piumasaqarfigineqarsinnaasut nakkutilliinermi oqartussat misissuinerannut pisariaqartinneqartunut atorneqartussanik, tak. aalajangersakkami § 54 a aamma § 54 b.

#### **6. Ataatsimiititaliap inassuteqaataa**

Ataatsimiititaliap isumaqatigiittup siunnersuut **akuersissutigineqassasoq** inassutigaa.

Taamatut oqaaseqarluni isumaliutissiisummilu allassimasutut paasinnillutik matumuuna siunnersuut ataatsimiititaliap aappassaaniigassanngortippaa.

---

Mariane Paviaisen  
Siulittaasoq

---

Mala Høy Kúko  
Siulittaasup tullia

---

Pipaluk Lynge-Rasmussen

---

Emanuel Nuko

---

Lars Poulsen